



千金方

十四

卷之廿九

吐血
萬病圓散

風虛雜補酒煎

咽門
髓虛實

膽腑脉論
膽虛實

膽腑凡七類

武
195
14



門中
175
14

篤信堂



孫真人備急千金要方卷之三十八

磨八

宋朝奉即守太常少卿充祕閣校理林億等校正

膽腑方

膽腑脉論第一

論曰膽腑者主肝也肝合氣於膽膽者中清之腑也難經云膽者清淨之

腑甲云中號將軍決曹吏重三兩三銖長三寸二分在肝短

葉間下貯水精汁二合難經作能怒能喜能剛能柔目下果大

其膽乃橫凡膽腦髓骨脉女子胞此六者地氣之所生也皆藏

於陰而象於地故藏而不瀉各曰奇恒之腑若胃大腸小腸三

焦膀胱此五者天氣之所生也其氣象天故瀉而不藏此受五



篤信堂

臟濁氣名曰傳化之腑此不能久留輸瀉者也所謂五臟者藏
精氣作神而不瀉故滿而不能實六腑者傳化物而不藏故實
而不能滿所以然者水穀入口則胃實而腸虛食下則腸實而
胃虛故曰實而不滿滿而不實也

左手關上陽絕者無膽脉也苦膝夜口中苦眯目善畏如見鬼
多驚少力刺足厥陰治陰在足大趾間或刺三毛中

左手關上陽實者膽實也苦腹中不安身軀習習也刺足少陽
治陽在足上第二趾本節後一寸是也

膽病者善太息口苦嘔宿汁心澹澹然如人將捕之咽中介介
然戴唾候在足少陽之本末亦見其脉之陷下者灸之其寒熱

刺陽陵泉若善嘔有苦長太息心中澹澹善悲恐如人將捕之
邪在膽逆在胃膽液則口苦胃氣逆則嘔苦汁故曰嘔膽刺三
里以下胃氣逆刺足少陽血絡以閉膽却調其虛實以去其邪
也

膽脹者脇下痛脹口苦太息

肝前受病移於膽肝欬不已則嘔膽汁

厥氣客於膽則夢鬪訟鬪訟自刺

肝應筋爪厚色黃者膽厚爪薄色紅者膽薄爪反色青者膽急
爪更色赤者膽緩爪直色白無約者膽直爪惡色黑多敗者膽
結

瘡癩瘡皮外
小起

痛鵠云足厥陰與少陽為表裏表清裏濁其病若實極則傷熱
熱則驚動精神而不守其起不定若虛則傷寒寒則恐畏頭眩
不能獨卧發於玄水其根在膽先從頭面起腫至足方見治水篇中
膽有病則眉為之傾病人眉系傾者七日內必死
足少陽之脉是動則病口苦善太息心脅痛不能反側甚則面
微塵體無膏澤足外反執是為陽厥是主骨所生病者頭痛角
頷痛目兌背痛缺盆中腫痛腋下腫馬刀挾癭汗出振寒瘡胃
中脇肋髀膝外至脢絕骨外踝前及諸節皆痛小指次指不用
盛者則人迎大一倍於寸口虛者則人迎反小於寸口也其經脈經
筋支別具肝臟部中

膽虛實第二 脈方灸法

膽實熱

左手關上脉陽實者足少陽經也病苦腹中氣滿飲食不下咽
乾頭痛洒洒惡寒脇痛名曰膽實熱也
半夏湯治膽腑實熱精神不守瀉熱方

半夏 宿薑各三兩 黃芩一兩 生地黃五兩 遠志

茯苓各二兩 秫米一斗 酸棗仁五合

右八味以咀以千里長流水五斗者秫米治虛煩悶
餘徧澄清取九升者藥取三升半分三服集驗方治虛煩悶
志有麥門冬桂心各三兩甘草人參各二兩

金方

卷三十一

三

治胃中膽病方

灸濁浴隨羊壯穴在俠膽膈傍行相去五寸

膽虛寒

左手關上脉陽虛者足少陽經也病苦眩厥痿足指不能搖躄不能起僵仆目黃失精眈眈名曰膽虛寒也

温膽湯治太病後虛煩不得眠此膽寒故也宜服此方

- 半夏
- 竹茹
- 枳實各二兩
- 橘皮三兩
- 生薑四兩

甘草一兩

右六味以水八升者取二升分三服

治膽虛方

灸三陰交各二十壯穴在內踝上一夫

千里流水湯治虛煩不得眠方

- 麥門冬
- 半夏各三兩
- 茯苓四兩
- 酸棗仁二升
- 甘草

- 桂心
- 黃芩
- 遠志
- 草薢
- 人參

- 生薑各二兩
- 秫米一斗

右十二味以千里流水一斛煮米令饑首沸揚萬遍澄

清取一斗者取二升分三服

酸棗湯治虛勞煩擾奔氣在胃中不得眠方

- 酸棗仁五升
- 人參
- 桂心
- 生薑各二兩
- 石膏四兩

- 茯苓
- 知母各三兩
- 甘草一兩

右八味以水一斗先煮酸棗仁取七升去滓下藥者取
三升分三服日三

治虛勞煩悶不得眠方

大棗二十七枚 葱白七莖

右二味以水三升者取一升去滓頓服

梔子湯治天下後虛勞不得眠劇者顛倒懊懣欲死方仲景云

下後虛煩不得眠若劇者必反下覆顛倒心中懊懣梔子湯主之

大梔子十四枚 豉七合

右二味以水四升先煮梔子取二升半內豉更煮三沸去滓
每服一升安者勿更服若上氣嘔逆加橘皮二兩亦可加生

薑二兩

治煩悶不得眠方

枸杞皮白

生地黃五兩

麥門冬

甘草

俞胡各二兩

茯苓

知母各四兩

人參二兩

粟米

豉各五合

右十味以水八升煮取三升七分合分四服

治虛勞不得眠方

酸棗

榆葉各等分

右二味為末蜜丸如梧子每服十五丸日再

又方乾薑四兩為末湯和頓服覆取汗病愈

咽門論第三

千金方 卷三十八
論曰夫咽門者應五臟六腑往還神氣陰陽通塞之道也喉嚨胞囊舌者並津液調五味之氣本也不可不研乎咽門者肝膽之候也其重十兩廣二寸五分至胃脘長一尺六寸主通五臟六腑津液神氣應十二時若臟熱則咽門閉而氣塞若腑寒則咽門破而聲嘶毋薑酒主之別方見執則通之寒則補之若寒熱調和病不生矣

髓虛實第四論

論曰髓虛者腦痛不安髓實者勇悍凡髓虛實之應主於肝膽若其腑臟有病從髓生熱則應臟寒則應腑寒活補髓圓治髓虛腦病不安膽腑中寒方

羌活	芎藭	當歸	桂心	人參
棗肉	羊髓	酥	牛髓	大麻仁
<small>研如脂</small>		<small>各一升</small>		<small>各二升 熬研如脂</small>

右十味先搗五種乾藥為末下棗膏麻仁又搗相濡為一家下二髓并酥內銅鉢中重湯煎取好為丸如梧子酒服二十丸日二服稍加至四十九
柴胡發泄湯治髓實勇悍驚熱主執方

柴胡	升麻	黃芩	細辛	枳實
梔子仁	芒硝	淡竹葉	生地黃	澤瀉
<small>兩</small>	<small>三兩</small>		<small>一升</small>	<small>四兩</small>

右十味以水九升煮取三升去滓下硝分三服

風虛雜補酒煎第五方

巴戟天酒治虛羸陽道不舉五勞七傷百病能食下氣方

巴戟天 牛膝各三斤 枸杞根白皮 麥門冬 地黃

防風各二斤

右六味並生用卒無生者用乾者亦得咬咀以酒一石四斗浸七日去滓温服常令酒氣相續勿至醉吐慎生冷猪魚油蒜春七日秋冬二七日夏勿服先患冷者加乾薑桂心各一斤好志加遠志一斤大虛勞加五味子從蓉各一斤陰下濕加五加根皮一斤有石斛加一斤佳每加一斤藥則加酒七升此酒每年入九月中旬即合入十月上旬即服設服餘藥

以此酒下之大妙滓曝乾擣為末以此酒服方寸匕日三益佳常加甘草十兩佳虛勞加黃耆一斤又方

巴戟天 生牛膝各三斤

右二味咬咀以酒五斗淹浸服如前法

五加酒治虛勞不足方

五加皮 枸杞根白皮各一斗

右二味咬咀以水一石五斗煮取汁七斗分取四斗浸麴一斗餘三斗用拌飯下米多少如常釀法熟壓取服之多少任性禁如藥法倍日將息

千金方 卷三十一 七百
天門冬大煎治男子五勞七傷八風十二痺傷中六極一氣極則多寒痺腹痛喘息驚恐頭痛二肺極則寒痺腰痛心下堅有積聚小便不利手足不仁三脉極則顏色苦青逆意喜恍惚失氣狀似悲泣之後苦舌強咽喉乾寒熱惡風不可動不嗜食苦眩喜怒妄言四筋極則拘攣小腹脹心痛膝寒冷四肢骨節皆痛疼五骨極則肢節厥逆黃疸消渴癰疽妄發重病浮腫如水病狀六肉極則發狂如得擊不復言甚者至死復生衆醫所不能治此皆六極七傷所致非獨房室之爲也憂志積思喜怒悲懼復隨風濕結氣欬時嘔吐食已變大小便不利時泄利重下溺血上氣吐下乍寒乍熱訃不安席小便赤黃時時惡夢與

死人共飲食入冢神室魂飛魄散筋極則傷肝傷肝則腰背相引難可俯仰氣極則傷肺傷肺則小便有血目不明髓極則陰痿不起住而不交骨極則傷腎傷腎則短氣不可久立陰痿惡寒甚者卵縮陰下生瘡濕痒搔不欲往汁出此皆爲腎病甚者多遭風毒四肢頑痺手足浮腫名曰脚弱一名脚氣醫所不治此悉主之方

天門冬 生地黄 各切三斗半 白蜜 三升 酥 三升
搗壓 取汁
枸杞根 切三斗 淨洗以水二石 五
煮取五斗 澄清
右六味並太斗銅器中微火先煎天門冬地黄汁減半乃合煎

取大斗二十斗下後件散藥煎取一斗內銅器重釜煎令隱掌
 可丸如梧子大平且空腹酒服二十九日二加至五十九日慎
 生冷醋滑猪雞魚蒜油麵等須擇四時王相日脩合其合和
 一如第一卷和合篇說散藥如左

- | | | | | |
|----|----|----|----|------|
| 茯苓 | 桂心 | 白朮 | 萎蕤 | 五加皮 |
| 菖蒲 | 遠志 | 澤瀉 | 薯蕷 | 栝子仁 |
| 人參 | 石斛 | 牛膝 | 杜仲 | 覆盆子 |
| 細辛 | 獨活 | 枳實 | 芎藭 | 大豆黃卷 |
| 黃耆 | 菴蓉 | 續斷 | 狗脊 | 胡麻子 |
| 草薢 | 白芷 | 橘皮 | 茯神 | 巴戟天 |

- 石南各二兩 阿膠七兩 甘草六兩 蜀椒 薏苡仁升

- 大棗一百枚 鹿角膠五兩 蔓荊子三兩

右二十八味治下篩內煎中有牛髓鹿髓各加三升大佳小
 便澁去栝子仁加秦艽二兩乾地黃六兩陰痿失精去萎蕤
 加五味子二兩頭風去栝子仁加菊花防風各二兩小便利
 陰氣弱去細辛防風加山茱萸二兩腹中冷去防風加乾薑
 二兩無他疾依方修合凡此煎九月下旬採藥立冬日合服
 至五月上旬止若十二月臘日合者經夏至七月下旬止若
 停留經實不壞當於舍北陰處入地深六尺填沙置藥中上
 加沙覆之則經實不損也女人先患熱者得服患冷者勿服

填骨萬金煎治內勞少氣寒疝裏急腹中喘逆腰脊痛方

生地黄取汁三十斤 肉苁蓉 甘草 阿膠各一斤

麥門冬 乾地黄二斤 乾薑 茯苓 桑根白皮

桂心各八兩 人參 桔梗 五味子 附子各五兩

石斛一斤 牛髓一斤 白蜜十斤 清酒四斗 麻子仁三升

大棗一百五十枚 當歸十四兩 乾棗二十兩 蜀椒四兩

右二十三味先以清酒二斗六升內桑根白皮麻子人棗膠為刻識之又加酒一斗四升者取至刻絞去滓內蜜髓地黃汁湯上銅器內諸藥末半日許令可丸止大壅盛飲吞如彈丸一枚日三若夏月暑熱者煎轉味可以蜜地黃汁和諸

藥成末為丸如梧子服十五丸不知稍加至三十丸治男子風虛勞損兼時氣方

甘草一斤 石斛 防風 菴蓉 山茱萸

茯苓 人參 薯蕷各四兩 桂心 牛膝

五味子 菟絲子 巴戟天 芎藭各二兩並為末

生地骨皮碎切 生地黄汁各一升 丹參二兩

生薑汁 胡麻以水二斗煮取四升去滓各二升 牛髓

白蜜 生麥門冬汁各三升

右二十二味先煮地黃地骨皮胡麻汁減半內牛髓蜜薑門冬各等汁微火煎餘八升下諸藥散和令調內銅鉢中湯上

煎令可丸如梧子大酒服三十九日二加至五十九日
小麋骨煎麋骨治一切虛羸皆服之方

鹿骨碎一具 枸杞根切二升

右二味各以水一斗別器各煎汁五升去滓澄清乃合下器
共煎取五升日二服盡好將慎皆用太斗

地黃小煎治五勞七傷羸瘦乾削方

乾地黃升未一 胡麻油升半 蜜升二 猪脂斤一

右四味銅器中煎令可丸如梧子大飲服三九且稍加十丸
久久常服大有益瘦黑者肥文

陸抗膏治虛冷枯瘦身無精光虛損諸不足方

牛髓 羊脂升二 酥經心錄用猪脂 生薑汁 白蜜各三升

右五味先煎酥令熟次內薑汁次內蜜次內羊脂牛髓後微
火煎三上三下冷薑汁水氣盡即膏成攪令凝止溫酒服隨
人能否不限多少冷人肥健發熱也經心錄云治百病勞損
風濕補益神效男女通

枸杞煎補虛羸久服輕身不老神驗方

九月十日取生濕枸杞子一升清酒六升煮五六沸取出
熟研濾取汁令其子極淨曝令乾搗末和前汁微火煎令
可丸酒服二方寸七日二加至三七亦可丸服三十九

夏姬杏仁煎方

杏仁三升內湯中去皮尖兩仁熟搗盆中水研取七八升
汁以鐵釜置塘火上取羊脂四斤就釜內磨消內杏仁汁
溫之四五日色如金狀餌如彈子日三服百日肥白容易
人不能識也

又方杏仁熬黃去皮尖搗服如梧子日三浴枯瘦令人潤澤無
所禁欬逆上氣喉中百病心下煩不得咽者得茯苓欬冬紫苑
併力大良其藥生熟熟冷喉中如有息肉者亦服之桃仁煎方
桃仁為末 蜜各一斤 酥半斤 胡麻末一升 牛乳五升
地黃取汁十斤
右六味合煎如錫旋服之

治五勞七傷方

白羊頭蹄

赤一具淨治更以草火燒令黃

胡椒

草撥

乾薑

葱白

豉

右七味先以水煮頭及蹄半熟即內藥者令極爛去藥冷暖
任性食之日一具七日凡七具忌生冷酢滑五陳

治虛勞補方

羊肚

白朮

右二味以水二斗煮取六升每服二升日三為度

又方

豉一升蒸

薤白一斤

右二味以水七斗者取三升分三服小取汗

膏煎治虛羸瘦方

不中水猪肪煎取一升內葱白一握煎令黃出內盆中平
且空腹服訖暖覆卧至哺時食白粥粥不得稀過二百服
補藥方如左

羊肝具一 羊脊膂肉一條 麴末斤半 枸杞根斤十

右四味以水三斗者枸杞取一斗去滓細切肝等內汁中煮
著葱豉鹽如羹法合煎看如稠糖即好食之七日禁如藥法

補虛方

猪肚具一 人參五兩 蜀椒 乾薑二兩 葱白七兩

白梁米半斤 千金 糞用梗米

右六味以水三斗者相得和米內肚中縫合勿令泄氣取四
斗半水緩火爛煮空腹食之大佳無下少飯

吐血第六論方

論曰廩血云吐血有二種有內衄有肺疽有傷胃內衄者出血
如鼻衄但不從鼻孔出是近從心肺間津液出還流入胃中或
如豆羹汁或如切鱖血凝停胃中因即滿悶便吐或去數斗至
一右者是也得之於勞倦飲食過常所為也肺疽者或飲酒之
後毒滿悶吐之時血從吐後出或一合半升一升是也傷胃者
因飲食太飽之後胃中冷則不能消化不能消化便煩悶強嘔

血同歸羊瘦血也

逆禁

吐使所食之物與氣共上衝厥因傷裂胃口吐血色鮮正赤腹
絞痛白汗出其脉緊而數者為難治也問曰病胸脇支滿妨於
食病至則先聞腥臊臭出清液先唾血四肢清目眩時時前後
血病名為何何以得之對曰病各血枯此得之爭少時有所大
奪血若醉入房中氣竭而肝傷故使月事衰少不來也治以烏
賊骨蔞茹二味并合丸以雀卵大如小豆以五丸為後飯飲以
鮑魚汁利腸中及傷肝也凡吐血後體中但自憊憊然心中不
悶者輒自愈假令煩躁心中悶亂紛紛嘔吐顛倒不安醫工又
與黃土湯阿膠散益加悶亂卒至不濟如此悶者當急吐之方

瓜蒂二分 杜蘅 人參各一分

右二味治下篩服一錢七或無水漿但得下即可羸人小減
之吐去青黃或吐血一二升無苦

黃土湯治吐血方

伏龍肝雞子大一枚 桂心 乾薑 當歸
芍藥 白芷 甘草 阿膠 芎藭
生地黄八兩 細辛兩半 吳茱萸二升
右十二味以酒七升水三升合煮取三升半去滓內膠
煮取二升分三服亦治衄血
又方治卒吐血及衄血方

伏龍肝半斤 甘草 乾薑仲景作地黃 白朮

阿膠

黃芩各三兩

右六味咬咀以水一斗煮取三升去滓下膠分三服仲景有附子三

兩為七味

○ 生地黄湯治憂急嘔血煩滿少氣胃中痛方

生地黄一斤 大棗五十枚 阿膠 甘草各三兩

右四味咬咀以水一斗煮取四升分四服日三夜一

○ 堅中湯治虛勞內傷寒熱嘔逆吐血方

糖一斤 芍藥 半夏 生薑 甘草各三兩

桂心二兩 大棗五十枚

右七味咬咀以水二斗煮取七升分七服日五夜一千金翼無甘草

桂心有 生地黄 治噫止唾血方

石膏兩四 厚朴兩三 麻黃 生薑 五味子

半夏 杏仁各二兩 小麥一升

右八味咬咀以水一斗煮麻黃去沫澄取七升內藥煮取二

升半分再服

○ 治吐血胃中塞痛方

芍藥 乾薑 茯苓 桂心 當歸

大黃 芒硝各三兩 阿膠 甘草 人參各一兩

麻黃一兩 乾地黄四兩 水蛭十枚 大棗二十枚

桃仁一百枚

右十六味咬咀以水一斗七升煮取四升分五服日三夜二
治吐血肉崩氣面色如土方

乾薑 阿膠 栝葉各二艾一把

右四味咬咀以水五升煮取一升內馬通汁一升煮取一升

頓服仲景名栝葉湯不用阿膠

治吐血酒客温疫中熱毒乾嘔心煩方

蒲黃 犀角 桔萎根 甘草各二葛根

桑寄生各三

右六味咬咀以水七升煮取三升分三服

澤蘭湯治傷中裏急胸脇攣痛欲嘔血時寒時熱小便赤黃此
皆傷於房勞故也

澤蘭 糖各一斤 桂心 桑根皮 人參各二

遠志二 生薑五 麻仁一

右八味咬咀以醇酒一斗五升煮取七升去滓內糖食前服

一升日三夜一勿勞動

治忽吐血一兩口或是心衄或是內崩方

蟾蜍五 牛膝 牡丹 王不留行

麥門冬二 草薢 芍藥 乾地黄四續斷

阿膠各三

右十味咬咀以生地黃汁五升赤馬通汁二升煮取二升分
三服不瘥更合數劑取瘥止

又方熟艾三鷄子許水五升煮取二升頓服

又方燒亂髮灰水服方寸七日三服集驗云治舌上忽出血如
簪孔者亦治小便出血者

治虛勞吐血方

生地黃肥者五升擣以酒一升煮沸三上三下去滓頓服

又方凡止血服桂心末方寸七日夜可二十服肘後云亦
療下血良

又方生地黃五斤絞取汁微火煎三沸投白蜜一升又煎取二
升每服半升日三主胸痛百病久服佳

又方栝葉一斤以水六升煮取三升分三服

又方

生地黃汁升半 川大黃末一方

右二味先溫地黃汁下沸次內大黃攪和空腹頓服日三瘥

犀角地黃湯治傷寒及溫病應發汗而不汗之內畜血者及鼻

衄吐血不盡內餘瘀血大便黑面黃消瘀血方

犀角一兩 生地黃八兩 芍藥二兩 牡丹皮二兩

右四味咬咀以水九升煮取三升分三服喜妄如狂者加大

黃二兩黃芩三兩其人脈大來遲腹不滿自言滿者為無熱
但依方不須有所增加

治五臟熱結吐血衄血方

伏龍肝雞子一枚

生竹茹升芍藥

當歸

黃芩 芍藥

甘草各二兩生地黃斤一

右八味以水一斗三升先煮竹茹減三升下藥取二升

分三服有桂心

當歸湯治衄血吐血方

當歸 乾薑 芍藥 阿膠各二兩 黃芩三兩

右五味以水六升煮取二升分三服

治上焦熱膈傷吐血衄血或下血連日不止欲死並主之

艾葉 竹茹各一升 阿膠如手掌大 乾薑二兩

右四味以水三升煮取一升去滓內馬通汁半升煮取

一升頓服

又方取新馬屎與少水和絞取汁一方不用竹茹加乾薑作七

兩

治虛勞崩中吐血下血上氣短氣欲絕面黑如漆方

黃耆 芍藥 芍藥 甘草各四兩 生薑斤一

右五味以酒五升浸一宿明旦更以水五升煮取四升

分四服日三夜一下陰中毒如湯沃雪凡夏月不得宿浸藥

酒客勞熱發痔下血其穀道熱者去生薑用生地黃代之凡

進三兩劑

竹茹湯治吐血汗血大小便下血方

竹茹二升 甘草 芍藥 芎藭 黃芩 當歸各六分

芍藥 白朮 人參 桂心各一兩

右九味咬咀以水一斗煮取三升分四服日三夜一

治九孔出血方

搗荆葉汁酒服二合一本作一合

治吐血蟲毒痔血女子腰腹痛大便後出清血者方

取東向蕤荷根搗絞取汁二升頓服立瘥

赤小豆散諸下血先見血後見便此為遠血宜服黃土湯方見前七

味仲景方是先見便後見血此近血宜服赤小豆散方

赤小豆三升熬令折 當歸三兩

右二十味治下篩每服方寸七日

乾地黄圓治血虛勞胸腹煩滿疼痛瘀血往來臆虛不受穀氣逆不得食補中理血方

乾地黄三兩 當歸 乾薑 麥門冬 甘草

黃芩各二兩 厚朴 乾漆 枳實 防風

大黃 細辛 白朮各一兩 茯苓五兩 前胡六分

人參五分 蝨蟲各五枚

右十八味為末蜜丸如梧子大先食服十丸日三稍加

麥門冬湯治凡下血虛極方

麥門冬 白朮各四兩 甘草一兩 牡蠣 芍藥

楷音文柱磁古用木
今用石

阿膠各三 大棗二十

右七味以水八升煮取二升分再服

胸中瘀血積滿脇膈痛不能久立膝痠寒三里主之

嘔血肩脇痛口乾心痛與背相引不可效引腎痛不容主之

一作扶

心膈下嘔血上管主之

唾血振寒隘乾大淵主之

嘔血太陵及郄門主之

嘔血上氣神門主之

肉傷唾血不足外無膏澤刺地五會

灸法

治虛勞吐血灸胃管二百壯亦主勞嘔逆吐血少食多飽多唾

百病多唾一

吐血唾血灸胸堂百壯不可針

吐血酸削灸肝膈百壯

吐血腹痛雷鳴灸天樞百壯

吐血唾血上氣欬逆灸肺膈隨年壯

吐血嘔逆灸手心主五十壯千金翼云太陵是

凡口鼻出血不止名腦衄灸上星五十壯入髮際一寸是

大便下血灸第二十椎隨年壯

孫真人備急千金要方卷之三十八

孫真人備急千金要方卷之三十九

吳萊校 磨九

食宋 朱朝奉郎守太常少卿充秘閣校理林億等校正

膽腑方

萬病丸散第七論述三首

論曰聖人之道以慈濟物博求眾藥以戒不虞倉卒之際應手皆得故有萬病方焉余以此方散在群典乃念學者難用討尋遂鳩撮要妙以為斯品庶使造次可得好事君子安不忘危無事之暇可預和合以備痾瘵也

芫花散治一切風冷痰飲癥瘕疔瘡萬醫所不治者皆治之

一名登仙酒

一名三建散

趙萊

乾薑	食茱萸	巴戟天	茯苓	蛇床子	車前子	躑躅	堇花	烏頭	芫花
芍藥	杜仲	細辛	秦朮	草薢	石斛	麻黃	狼毒	附子	桔梗
桂心	厚朴	當歸	藜蘆	牛膝	人參	白芷	莽草	天雄	紫苑
黃芩	黃耆	芎藭	薯蕷	狗脊	石南	荆芥	欒荆	白朮	大戟
吳茱萸	山茱萸	乾地黄	薏苡仁	菟絲子	石長生	茵芋	栝蒌根	五加皮	韭不留行

卷三十一
三百一

防已 遠志 蜀椒 獨活 五味子
 牡丹 橘皮 通草 柴胡 栢子仁
 藁本 菖蒲 茯苓 續斷各二分

石六十四味金翼有麻黃半夏赤車使者高良薑紫葳無白木食茱萸等七味
 並不治不釋不多不熬但振去塵土搗以粗羅下之即與服
 凡是猪鷄五辛生冷酢滑任意食之無所忌惟諸豆皆殺藥
 不得食

藥散 二兩 細麴末 二升 糯米 三升 真酒 五升
 先以三斗水煮米作粥須極熟冬月揚去火氣春月稍涼
 夏月揚絕火氣令極冷秋稍溫次下麴末攪使和柔相得重

下藥末搗使突突然好熟乃下真酒重搗使散盛不津器中
以淨杖攪散經宿即飲直以布蓋不須密封凡服藥平且空
心服之以知為度微覺發動流入四肢頭面習習然為定勿
更加之如法服之常常內消非理加增必大吐利服散者細
下篩服一方寸匕和水酒漿飲無知稍增以知為度服丸者
細下篩蜜丸如梧子每服七丸但此藥或丸或散皆可惟不
得作湯若欲得補不令吐瀉但取內消大益勝於五石兼逐
諸病功效一等然作酒服佳於丸散美而易服流行迅疾若
有患人抱病多時積滯宿食大塊久氣癥瘕積聚一切癥結
者即須一兩度增加令吐下泄去惡物盡後少服內消便為

補益凡服藥慎勿早食早食觸藥必當大吐吐亦無損須更
還定但令人咽喉痛三兩日後始瘥服者宜知之平且服藥
至午時待藥勢定宜先食冷飯殖飲冷漿水及午後藥勢一
定任意熱食無忌若藥勢未定不得強起行行即運悶旋倒
眼花暗然迷絕此是逐風所致不須疑怪風盡之後縱令多
服更佳不然悶時但坐但臥須更醒然不異於常若定多任
意所之若必便旋當策杖如廁少覺悶亂即須坐定坐定即
醒醒乃可行病在膈上久冷痰癢積聚癥結疝瘕宿食堅塊
欬逆上氣等一切痼結重病終日吐唾逆氣上衝胸喉此皆
胃口積冷所致三焦腸間宿冷以成諸疾如此例便當吐却

千金方 卷三十九
此等惡物輕者一度下轉藥合吐却若重者三五度下之令
盡其吐狀法初吐冷氣沫次吐酢水須更吐黃汁濃甚者苦
似牛延病若更多者當吐出紫痰似紫草汁非常齒斷有此
者例入死道不久定死若有疰者吐血陳久黑血新者鮮血
吐罷永瘥不發下此吐藥當吐時大悶須更自定即不虛發
得冷飲食已耳不虛聾手足不痺若胃口有前件等病勢久
成者正當吐時有一塊物塞胸喉吐復不出咽復不入當有
異種大悶更加一二合藥酒重投藥下少時即當吐出塊物
如拳大真似蝦雞子中黃著地以刀斫碎重者十塊輕者三
五枚凡人有上件等病若服藥時不吐却者當時雖得漸損

一二年後還發為此故須下吐藥欲服取吐者當以春三月
服之春宜吐故也凡膈上冷小腹滿腸鳴膀胱有氣冷利多
者須加利藥於此酒內服之便去惡物利法出泔淀如清水
如黃汁如青泥輕者一兩度下利藥得利以盡病源重者五
度下利藥合頻數得大利以盡病根利法且起服藥比至脯
時可得兩三行即斷後服凡長病人瘦弱虛損者又貴人此
等人但令少服積日漸漸加增令多內消瘥除久病不加吐
利也藥若傷多吐利困極不止者水服生大豆末方寸匕即
定及藍葉烏豆葉嚼以咽之登時即定此據大因時用之小
小時不須也凡在世人有虛損陽衰消瘦骨瘦者服之非常

補益旬月之間肌膚克悅顏色光澤髓溢精滿與少壯一等
凡衆病萬病皆除之治一切風病癱瘓節風二十兩和酒五斗
賊風熱風大風上同偏風癢風癱緩風十二兩和酒三斗
此七種並帶熱須加冷藥押使常數便利賊風掣痰八兩和
酒二斗濕風周痺上同腰攣痛十二兩和酒三斗筋節攣急
八兩和酒二斗重病後汗不流初覺三服一服一盞年久服
一升食熱食如錐力刺者八兩和酒二斗口喎面戾一眼不
合者初得四兩和酒一斗年久許二兩和酒三斗頭面風似
蟲行又似毛髮在面上者八兩和酒二斗起即頭旋良久始
定者四兩和酒一斗心悶嘔逆項强者風在心截欲風飲兩

便即先發者八兩和酒二斗因瘡得風口強脊脈急者五服
即定一服一盞治一切冷病積冷癯瘦者四兩和酒一斗強
者六兩和酒一斗半痰飲疝瘕上同宿食嘔吐四兩和酒一
斗癥瘕腸鳴噫八兩和酒二斗久疰及久勞上同癩痔塊堅
冷嗽上氣二十兩和酒五斗奔豚冷氣六兩和酒一斗半噎
及冷痢上同卒中惡注忤心腹脹氣急欲死者三服定一服
一盞大吐出鮮血瘴氣上同蠱毒五服定一服一盞濕瘧瘖
瘖並上同可永瘥二服一盞
治婦人諸風諸病等並依前件帶下十二兩和酒三斗崩中
六兩和酒一斗半月閉不通及冷病不產並上同斷緒不產

八兩和酒二斗，月水前後不調，乍多乍少，亦令人絕產。四兩和酒一斗，產後風冷不產。六兩和酒二斗，若重者。八兩和酒二斗，甚者。十六兩和酒三斗，大重者。子宮下垂，酒四斗。

論曰：遠攬前古，莫觀此方。有高人季孝隆者，自云隋初受之。但得其藥，其方不可得而聞。始吾得之於靜智道人，將三紀於茲矣。時俗名醫未之許也。然比行之極，有神驗。其用藥殊不倫次，將服節度，大不近人情。至於救急，其驗特異。方知神物效靈，不拘常制。至理關感，誓不能知。亦猶龍吟雲起，虎嘯風生。此其不知所以然，而然雖聖人莫之辨也。故述之篇末，以貽後嗣。好學君子，詳察非止救物兼深抑，庶幾於博見矣。

者婆萬病丸 治七種瘧塊、五種癩病、十種瘡疥、七種飛尸、五種蠱毒、五種黃病、十二時瘧疾、十種水病、八種太風。

十二種痲痺并風入頭，眼暗漠漠，及上氣欬嗽，喉中如水鷄聲，不得眠，臥飲食不作，肌膚五臟滯氣積聚，不消壅閉，不通心。

腹脹滿及連背鼓氣，堅結流入四肢，或復又心膈氣滿，時定時發，十年二十年不瘥。五種下痢，疳蟲寸白，諸虫上下冷熱，久積痰飲，令人多睡，消瘦無力，陰入骨髓，便成滯患。身體氣腫，飲食嘔逆，腰脚酸疼，四肢沉重，行立不能。又婦人因產冷入子臟，臟中不淨，或閉塞不通，胞中瘀血冷滯，出流不盡。時時疼痛為患，或因此斷產。并小兒赤白下痢及狗鼻耳聾鼻塞等病，此藥以二丸為一劑，服藥不過三劑，萬病悉除。說無窮盡，故稱萬病丸。以其用牛黃為主，故一名牛黃丸。以耆婆良醫故名耆婆丸方。

牛黃 麝香 犀角各一分 桑白皮 茯苓

乾薑	桂心	當歸	芍藥
芎藭	黃芩	蜀椒	細辛
巴豆	前胡	紫苑	蒲黃
防風 <small>各分</small>	蜈蚣 <small>三節</small>	石蜥蜴	人參 <small>一寸</small>
雄黃	黃連	大戟	禹餘糧
			芫花
			朱砂

芫青七枚

右三十一味崔氏無黃芩、桑白皮、桔梗、防風、為二十七味並令精細牛黃麝香犀

角朱砂雄黃禹餘糧巴豆別研餘者合搗重絹下篩以白蜜和更搗三千杵密封下破除日平且空腹酒服三丸如梧子大取微下三升惡水為良若卒暴病不拘平且早晚皆可服

但吐利為度若不吐利更加一丸或至三丸五丸須吐利為度不得限以丸數病強藥少即不吐利更非他故若其發遲以執飲汁投之若吐利不止即以醋飯兩三口止之服藥忌陳臭生冷酢滑粘食大蒜猪雞魚狗牛馬驢肉白酒行房七日外始得一日服二日補之得食新米韭骨汁作羹粥臠飲食之三四頓大良亦不得全飽產婦勿服吐利以後常須閉口少語於無風處温牀暖室將息若旅行卒暴無飲以小便送之為佳若一歲以下小兒有疾者令乳母服兩小豆亦以吐利為度近病及卒病皆用多積久疾病即少服常取微溘利為度

卒病欲死服三丸如小豆取吐利即瘥

卒得中惡口噤服三丸如小豆煖水一合灌口令下微利即瘥

諸有痰飲者服三丸如小豆

五疰鬼刺客忤服二丸如小豆不瘥後日更服三丸

男女邪病歌哭無時腹大如雉豚服二丸如小豆日三夜

間食服之 大痢服一丸如小豆日三

猫鬼病服三丸如小豆未瘥更服

蠱毒吐血腹痛如刺服二丸如小豆不瘥更服

瘡病未發前服一丸如小豆不瘥後日更服

冷瘧服三丸如小豆日三皆間食服之常令微溏利

宿食不消服二丸如小豆取利

癥瘕積聚服二丸如小豆日三皆間食服之以利瘥止

拘急心腹脹滿心痛服三丸如小豆不瘥更服

上氣喘逆胸滿不得卧服二丸如小豆不瘥更服

痔濕以一丸如杏仁大和酢二合灌下部亦服二丸如小豆

鼻衄服二丸如小豆即瘥

水病服三丸如小豆日三皆間食服之瘥止人弱隔日服之

頭痛惡寒服二丸如小豆覆取汗

傷寒時行服二丸如小豆日三間食服之

小便不通服二丸如小豆不瘥明日更服

大便不通服二丸如小豆又內一丸下部中即通
耳聾聾耳以綿裹一丸如小棗核大塞之瘥
癰腫下腫破腫內一丸如麻子大日一傳其根自出瘥犯下
腫血出以猪脂和傅有孔內孔中瘥止
胸背腰脇腫以酢和傅腫上日一易又服二丸如小豆
癰瘡先以酢洗後取藥和猪脂傅之
瘻瘡有孔以一丸如小豆內孔中無和猪脂傅之
痔瘡取藥塗綿筋上內孔中日別易瘥止
癩瘡以酢和傅上瘥 惡刺以一丸內瘡孔中即瘥
諸冷瘡積年不瘥者以酢和塗瘡上作餅貼之瘥

癰瘡先以布揩令汁出後取酢和傅上日一易立瘥
蠍螫以少許傅瘡處 蜂螫以少許傅瘡處
蝮蛇螫取少許納瘡處若毒入腹心悶欲絕者服三丸如小
豆大
婦人諸疾胞衣不下服二丸如小豆取吐利即出
小兒客忤服二丸如米粒和乳汁傅乳頭令啣之
小兒驚瀾服二丸如米粒塗乳頭令啣之隨兒大小
小兒乳不消心腹脹滿服二丸如米粒塗乳頭令啣之不瘥
更服
治一切蠱毒妖邪鬼疰病者有進有退積聚堅結心痛如齧不

得坐卧及時行惡氣濕病風熱瘴氣相染滅門或時熱如瘧瘧
咽喉腫塞不下飲食或煩滿短氣面自時赤或目中赤黃或乾
嘔或吐逆或下赤白痢或熱氣如雲或欲狂走自殺或如見鬼
或手足清冷或熱飲冷水而不知足或使手擦空或面自癰腫
生瘡或耳聾目暗頭項背脊強不得屈伸或手足卒癢或百鬼
惡疰狐魅走入皮膚痛無常處方

麝香

丹砂

特生礬石

馬目毒公

馬齒礬

雄黃各一兩

巴豆九十枚

青野葛三兩一本不用

右八味為末別搗巴豆如膏合搗五千杵內蜜更搗一萬杵
丸如小豆大強者服二丸弱者服一丸入腹雲行四布通徹表

裏從頭下行周徧五臟六腑魂魄靜定情性得安病在膈上
吐膈下利或蛇蟲諸毒五色熱水或不吐下便微漸除瘡萬
疊妖精狐狸鬼魅諸久痼癖塊皆消散在表汗出在裏直下
忌名其藥故此方無名也

仙人玉壺圓方

雄黃

藜蘆

丹砂

礬石一作礬石

巴豆

八角附子各二兩

右六味先搗巴豆三千杵次內礬石又搗三千杵次內藜蘆
三千杵次內附子三千杵次內雄黃三千杵次內丹砂三千
杵內蜜又搗萬杵佳若不用丹砂者內真朱四兩無在每內

藥輒治五百杵內少蜜惡藥飛揚治藥用王相吉日良時童子齋戒為良夫精明日無雲霧白晝藥成封密器中勿泄氣著清潔處大人服九如小兒欲下病者宿勿食平旦服二九不知者以煖粥飲發之令下下不止飲冷水以止之病在膈上吐膈下利或但噫氣即已若欲漸除及將服消病者服如麻子犬二九卒中惡欲死不知人以酒若湯和二九強開口灌喉中鬼疰病百種不可名漿水服二九日再男女與鬼交通歌哭無常或腹大絕經狀如妊娠漿水服二九如胡豆犬日三夜一又苦酒和令如粉每旦傳手間使心主心主在手腕後第一約橫文當中指至暮又傳足三陰三

陽及鼻孔七日愈又漿服麻子犬二九日三服三十日止惡風逆心不得氣息服二九腹中如有蟲欲鑽脇出狀急痛一止一作是惡風二九憂氣結在胸心苦連噫及欬胸中刺痛服如麻子犬二九日三服腹痛脹滿不食服二九心腹切痛及心中熱服二九如麻子犬日三服五日瘥風疝寒疝心疝弦疝每發腹中急痛服二九卒上氣氣但出不入并逆氣衝喉胃中暴積聚者服二九日再癖飲痰飲平旦服二九腹中三蟲宿勿食明日炙牛羊肉三鬻食之頃更進三九如胡豆犬日中當下過日中不下更二九爛蟲必下

卒關格不得大小便欲死服二九

卒霍亂心腹痛煩滿吐下手足逆冷服二九

傷寒嗽瀉時氣熱病溫酒服二九厚覆取汗不汗更服

寒熱往來服二九瘡未發二九已發二九便斷

積寒熱老痞服二九癥結堅痞二九日三取愈

下痢重下者一丸取斷食肉不消腹堅脹一丸立愈

若淋瀝瘦瘠百節酸疼服一丸日三

頭卒風腫以苦酒若膏和傅之絮裹之

癰疽瘰癧瘰癧及欲作癰以苦酒和傅之

若惡瘡不可名漏疥疽以膏若苦酒和先以鹽湯洗瘡去痂

拭乾傅之

齒痛綿裹塞孔中

鼠瘻以猪脂和傅瘡取駁舌狗子舐之

中水毒服二九若已有瘡苦酒和二九傅之

耳聾膿血汁出及卒聾以赤殼皮裹二丸內之

風自赤或痒視物漠漠淚出爛眦蜜鮮如粘塗注目眦若為

蠱毒所中吐血腹內如刺服一丸如麻子稍加大如胡豆亦

以塗鼻孔中又以膏和通塗腹背亦可燒之熏口及鼻

若為蛇蝮諸毒所中及獠犬狂馬所咬苦酒和傅又水服二

丸婦人產後餘疾及月水不通往來不時服二九日再

婦人胃中苦滯氣氣息不利小腹堅急繞臍絞痛漿服如麻子一丸稍加之如小豆大

小兒百病驚癇痞塞及有熱百日半歲者以一丸如黍米大置乳頭飲之一歲以上如麻子一丸日三飲送下

小兒大腹及中熱惡毒食物不化結成積聚服一丸

小兒寒熱頭痛身熱及吐衄服一丸如麻子大

小兒羸瘦下痢不能食食不化漿水服一丸日三又黃酒和如梧子大傅腹上良

一切萬病量之不過一二丸莫不立効

欲行問孝省病服一丸又一丸繫頸上行無所異至喪家帶

一丸辟百鬼若獨止宿山澤冢墓社廟叢林之中燒一丸百鬼不敢近仍以蠟和一丸如彈丸大著絳囊中繫臂上男左女右山精鬼魅皆畏之

張仲景三物備急圓司空裴秀為散用治心腹諸卒暴百病方

大黃

乾薑

巴豆

各等分

右皆須精新多少隨意先擣大黃乾薑下篩為散別研巴豆如脂內散中合擣千杵即爾用之為散亦好下蜜為丸貯密器中莫令歇氣若中惡客忤心腹脹滿刺痛口噤氣急停屍卒死者以暖水若酒服大豆許三枚老小量與扶頭起念得下喉須臾未醒更與三枚腹中鳴轉得吐利便愈若口已噤

可先和成汁傾口中令從齒間得入極良
大理氣圓治萬病方

牛膝 甘草 人參 茯苓 遠志
恒山 苦參 丹參 沙參 龍膽
龍骨 牡蒙 半夏 杏人 紫苑
芍藥 天雄 附子 葛根 橘皮
巴豆 狼牙各二兩 大黃 牡蠣 白朮各三兩
生薑末五兩 白薇六分 玄參七分 藟盧大者一枚
右二十九味先搗篩二十七味令熟次搗巴豆杏人如膏然
後和使相得加白蜜更搗五千餘杵丸如梧子大空腹酒服

七九日三疝癥瘕結五十日服永瘥吾常用理氣大覺有效

大麝香圓治鬼疰飛尸萬病方

麝香三分 礞石八分 牛黃 附子 鬼臼
真珠 莽草 犀角 礬石 細辛
桂心 獺肝 藜蘆各二分 雄黃一兩 丹砂二兩
蜈蚣 蜥蜴 巴豆 杏人各五枚 芫青
地膽外臺作蚶蛇膽亭長 斑猫各七枚
右二十三味為末蜜和合更搗三千杵丸如小豆大飲服
丸日再漸加至三九蟲毒所螫摩之以知為度若欲入毒瘕
癘鄉死喪病處及惡鬼塚墓盛絳袋中男左女右肘後繫之

又少許傅鼻下人中及卧不魘

小麝香圓

治同前

麝香

莽草

犀角

梔子人三分

雄黃

當歸外臺不用

丹砂各四分

乾薑

桂心

芍藥

細辛各五分

附子

烏頭各五枚

蜈蚣一枚

巴豆五十枚

右十五味為末蜜和合搗千杵丸如小豆大服三丸日三可加至五丸一切尸疰痛悉皆主之

紫葛圓

治諸熱不調方

紫葛

石膏

人參

丹參

紫參

苦參

玄參

細辛

齊鹽

代赭

茯苓

巴豆

烏頭各二分

乾薑

桂心

獨活各五分

右十六味為末蜜和更搗萬餘杵丸如小豆服六丸食前三丸食後三丸忌五辛猪雞魚蒜餘不在禁限若覺體中大熱各減一丸服之令人肥悅好顏色強陽道能食服藥後十日得利黃白汁大佳婦人食前食後只服二丸兩歲以下小兒服丸如米粒大人能飲酒除百病藥之功能損益備述如

左
 腹中積聚心腹滿 ○心下堅 ○痰飲 ○宿食 ○食
 吐逆 ○上氣 ○短氣 ○欬嗽 ○咽喉鳴 ○黃疸
 ○久瘡 ○面腫 ○身浮腫 ○四肢煩重 ○坐起
 體重 ○熱病濕蠶下部痒 ○體瘡痒 ○關格不通
 ○大腸出 ○熱淋 ○下利 ○顏色不定羸瘦無力弱
 房少精 ○精冷 ○身體斑駁 ○從高墮下絕傷 ○
 墮胎後傷損血 ○皮肉焦爛 ○月水不定或後或前
 ○月水斷心下悶滿肩膊沉重 ○小兒百病 ○小兒癩
 氣 ○乳不消 ○小兒身常壯執腹內有病所錄諸病皆

紫葛圓治之若積日服餌未愈消息準方服之取瘥止藥性
 冷尤宜患熱人服之
 太乙神精丹治客忤霍亂腹痛脹滿尸疰惡風癩狂鬼語蠱毒
 妖魅溫瘧但是一切惡毒無所不治方

丹砂 雌黃 雄黃 磁石各四兩

金牙二兩半

右六味各搗絹下篩惟丹砂雌黃雄黃三味以醢醋浸之曾
 青丹好酒於銅器中漬紙密封訖日中曝百日經晷五日
 亦得無骨以火暖之然後各研令知細粉以醢酢拌使乾濕
 得所內土釜中以六一泥固濟勿令泄氣乾後安鐵環施脚

高一尺五寸置金上以漸放火無間軟硬炭等皆得初放火
取熟兩秤炭各長四寸置金上待三分二分盡即益如此三
度盡用熟火然後用益生炭其過三上熟火已外皆須加火
漸多及至一伏時其火已欲近金即便滿就金下益炭經兩
度即罷火盡極冷然後出之其藥精飛化凝著金上五色者
上三色者次一色者下雖無五色但色光明皎潔如雪最佳
若飛上不盡更令與火如前以雄鷄翼掃取或多或少不定
研和棗膏丸如黍粒一本云丹砂曾青雄黃雌黃各二斤丹
封閉日曝一百日雄黃雌黃各油煎九日九夜去油膩訖更
搗數千杵皆勿研之別以大酢拌令浥浥然內藥土金中以
雄黃在下次下雌黃次曾青次丹砂以甘土泥塗勿令余毫
毛許乾以剛炭火燒之九日九夜去金五七九日九夜至金

底丸自九夜侵金腹三寸三九二十七日冷之一日一夜以
刀子於金際利著二分開之取丹成訖細研如粉以棗膏
和之物丹不得用蜜皆用棗膏學者宜治偏風木風惡疾癩
癩癰瘡鬼打等最良服法平旦空腹一丸如黍米為度其瘡
病積久百方不瘥又加心腹脹滿氣身面脚等並腫垂死
者服一丸吐即瘥亦有不吐瘥者若不吐復不瘥者更服一
丸半仍不瘥者後日增半丸漸服無有不瘥氣亦定當吐出
青黃白物其因瘡兩脇下有癰塊者亦當消除若心腹不脹
滿者可與一丸日日加之以知為度不必專須吐亦可一丸
即瘥勿併與服亦可平日一服皆須以意斟酌量得其宜或
腹內有水便即下者勿恠若患瘡日近精神健亦可對敵人

藥性併與兩丸作一丸頓服之皆至午後食勿使冷勿使熱
鼓漿粥任意食之若病瘡盜汗虛弱者日服一丸至三日吐
即止若患瘡不汗氣復不流脚冷者服一丸至三日若不汗
氣復脚即暖有潤汗不至三日吐即止若患瘡無顏色者服
藥後三日即有顏色亦有須吐瘡者亦有服少許而瘡者亦
有殺藥強人服三四丸始覺藥行者凡人稟性不同不可一
槩與之但作黍米大服之為始漸加以知為度藥力驗壯勿
併多服特慎油麵魚肉蒜當清淨服之若有患久不瘡在牀
羸瘦并腹脹滿及腫或下痢者多死但與藥救之十人中或
瘡三四人也又一說瘡瘕積聚服一力圭以飲漿水送下治

諸卒死中惡客忤霍亂腹滿體滯五舌在惡風忤忤大病相
易死亡滅門狂癩鬼語已死氣絕心上微暖者扶起其頭以
物按開口不可開環去兩齒以漿飲送藥藥下即活諸久病
者日服一力圭覆令汗汗出即愈不愈者不過再服亦有不
汗而瘡復有不汗不愈者服如上法加半力圭以瘡為度常
以絳囊帶九力圭散男左女右小兒繫頭上辟瘴毒惡時氣
射工小兒患可苦酒和之塗方寸紙上著兒心腹上藥在
正治之亦有已死者冬二百夏一日與此藥服得藥下便活
若不得入腹不活若加金牙磁石者服至五服內必令人吐
逆下利過此即自定其藥如小豆大為始從此漸小不得更

大大風惡癩可二十服偏風癱瘓諸惡風癩病等亦可二十服
服自餘諸惡者皆止一二服量人輕重弱強不得多與若欲
解殺藥但爛煮食肥猪肉服此藥後小應頭痛身熱一二日
來大不能得食味後自漸得氣味五日後更能食若食食過
多者宜節之若服藥下悶亂可者木防已湯服之即定凡言
刀圭者以六粟為一刀圭一說云三小豆為一刀圭

作土金法

其法取兩箇瓦盆各受一大斗許以其土塗其內令極乾
又一法作一瓦盆作一熱鐵釜各受九升瓦在上鐵在下
其狀大小隨藥多少不必依此說本云講好其土細篩

泥一升內細紙對擗可受十斤亦可隨藥多少作之陰
乾三十日置日中曝亦三十日日夜翻轉旬日乾許以糠
五碩內釜糠中四向土攪攪之令糠遍釜周圍上下各厚七
寸以火從下放五白五夜勿令人近之待冷一日一夜乃
取掃拭令淨以黃丹醋和如稀粥掃其中令厚一分乃內
藥凡合丸丹入石招魂太清神仙諸大丹皆用此法作之
萬成終不落節其占金六一泥及鐵釜皆除去之勿更用
也此釜一具前後數十回用不動久又轉佳此法師甚秘
之今欲今當來天下學士得
解之所以委曲具述之也

作六一泥法

赤白脂 牡蠣 滑石 礬石 黃礬

鹵土 蚯蚓屎各二兩

右取鹵酢以足為度若無鹵土以鹽代之先作其土泥以泥
各別裹前黃礬等五種作團裹之勿令泄氣以火燒周三百

最好一日亦得出火破團取藥各搗碎絹篩然後與蚯蚓屎
 鹵土等分以酢和之如稠粥既得好酢可用二分酢一分水
 和用取前瓦盆以此泥塗之曾青如蚯蚓屎如黃連佳世少
 此者好崑崙碌亦得產病丹砂亦數粟砂亦得舊不用磁石
 金牙今加之用法宜須各此一篇皆主相日天晴明齋戒沐浴如
法食之

述曰古之仙者以此救俗特為至秘余以大業年中數以合和
 而苦雄黃曾青難得後於蜀中遇雄大黃賤又於飛鳥文武大
 獲曾青蜀人不識今須識者隨其大小但作蚯蚓屎者即是如
 此千金可求遂於蜀縣魏家合成一金以之治病神驗不可論

宿癥風氣百日服者皆得痊愈故序而述焉
 凡雄黃皆以油煎九日九夜乃可入丹不爾有毒慎勿生用丹
 必熱毒不堪服宜慎之

倉公散治卒鬼殺鬼邪鬼刺心腹痛如刺下血便死不知人及
 臥壓齒脚腫不覺者諸惡毒氣病方此是漢文帝時太倉
 令淳于意方故名

特生巖石

皂莢

雄黃

藜蘆各等分

右四味治下篩取如大豆許內管中次入病人鼻得嚏則氣
 通便活若未嚏復更吹之以得嚏為度此藥起死回生

小金牙散治南方瘡癩疫氣脚弱風邪鬼疰方

金牙五分

雄黃

草薺

黃芩

蜀椒 山跋 桂心 菴草

天雄 朱砂 麝香 烏頭各二分

犀角 牛黃一分 蜈蚣一枚六分 細辛 萎蕤

乾薑各三分 黃連四分

右十九味治下篩合牛黃麝香搗三千杵温酒服錢五七日
三夜二以知為度絳囊盛帶男左女右一寸七省病問孝不
避夜行塗人中晨昏霧露亦塗之

大金牙散治一切蠱毒百疰不祥醫所不治方

金牙 鸛骨 石膏各八分 斑猫七分
活草子 胡燕屎 白木 雷丸

龍牙各六分 銅鏡鼻 梔子仁 乾椽

龜甲 鼈甲 鬼督郵 桃白皮

大黃各四分 桂心 芍藥 徐長卿

羚羊角 射干 升麻 鳶尾

馬目毒公 蜂房 細辛 乾薑

砒硝 由跋 犀角 甘草

狼毒 蜚蠊 龍膽 狼牙

雄黃 貞珠各三分 芫花 葶草

射罔 烏梅各二分 蛇蛻皮尺一 鐵精

赤小豆合一 地膽 樗雞 芫青各七枚

孫真人備急千金要方卷之三十九 丙辰冬十一月大戶孟適

桃奴豆 巴豆各二枚

右五十味治下篩服一刀圭稍加至二刀圭帶之辟百邪治
丸十九種一本有麝香 無白朮

孫真人備急千金要方卷之三十九 丙辰冬十一月大戶孟適



